



2007

kat.konye

I.

Man. St. Bc.

P

Biblioteka Jagiellońska



stdr0003563



ΣΥΓΧΑΡΜΑ

JLLVSTRI ET REVERENDISSIMO
DN. DN. IOANNI
TRACH GNINSKI, AR-
CHIDIACONO, SVFFRAGANEO,
ET ADMINISTRATORI
POSNANIENSI:

Dum ab Illustrissimo & Reuerendissimo DN.

DN. LAURENTIO GEM-

BICKI DEI ET APOSTOLICÆ SEDIS

gratia Archiepiscopo Gnesnē, Legato

Nato, Regni Poloniae Primate,

Primoq; Principe:

Solenni ritu

In Episcopum Ennensem consecraretur:

Oblatum

A Studiosa iuuentute Collegij Lubransciani Academici.

Anno Domini. M. DC. XX.

Podrypa 4713. 61.

I N S T E M M A .



SIVE gradus, seu fors campos in stemmate censes,
 Ingens Trachorum signat vtrumq; decus.
 Terrigenæ cucti camporum munere viuunt,
 Virtutum ducunt nos super astra gradus:
 At quem primæuæ gentes trepidare solebant,
 Gninsciadum generi fert diadema Draco.

Matthias Trzcinski St. El.

Illustri & Reuerendissimo Domino,

DN. IOANNI
TRACH GNINSKI
DEI GRATIA EPISCOPO ENNENSI

Suffraganeo & Archidiacono Posnaniensi &c. &c.
Studiosa iuuentus Collegii Lubransciani
Salutem & Felicitatem.

Aetitia nostra incredibilis, quam ex oblato tibi munere accepimus, significationem, ad te Prasul Ampliss. & Patrone obseruandissime, magna cum alacritate deferimus. Non quòd tantum ingeniorum viribus tribuamus, vt hasce rudes voculas Amplitudine Tua dignas arbitremur; sed quòd beneuolentiae propensionem singularem & affectum tuum erga nos verè paternum sentientes, ad omnem tuarum virtutum cultum, & venerationem, non mediocriter excitemur. Tu enim susceptam semel curam Collegij nostri nunquam postea intermisisti, sed magna contentione, fideli studio, ac felici opera elaborasti, vt Reuerendissimi olim Rozrazouii pia ac omni auo memoranda fundatio effectum suum sortiretur. Tu ordinationi Studiorum nostrorum non interfuisti duntaxat, sed maxima etiam cum laude & publico bono praesuidi. Apud Illustrissimum vero Dn. D. Andream de Bnin Opalinski Episcopum Posnaniensem. Patrum & Protectorem Collegii

legii nostri clementissimū (quem utinam Deus Opt. Max. quā
diutissimē incolumem seruet, & ad nos quam primum sospitem
reducatur) quoties Academica huius Palæstræ mentionem dedit
ocasio, toties illam & studia Collegii Lubransiani singu-
laris prudentiæ zelo commendasti. Itaq; dignum non erat,
ut dum honoris & dignitatis tuæ accessiones videremus, tanquam
ēlingues statuæ taceremus. Si enim in eos quos nobis profutu-
ros arbitramur, officia nostra conferre non dubitamus: profecto
nisi de illis bene merendi voluntatem habeamus qui iam profue-
runt, non modo ingrati, verum etiam improbi sumus. Et re-
uera si Oratorum principi fides habenda est: Nihil tam prop-
rium hominis esse inueniemus, quā non modo beneficium, verum
& benevolentia significationem grata prosequi memoria. Ni-
hil porro tam inhumanum ex eodem didicimus, aut tam ferum,
quā committere, ut beneficii ingrati esse inueniamur. Quam-
obrem licet parem eloquentiæ apparatus ad tua erga nos immor-
talia beneficia, honoresq; amplissimos celebrandos asferre non po-
tuerimus: dicere tamen aliquid, quā Harpocratis statuam imi-
tari maluimus. Fruere igitur in incunditate tuo tam excellenti
honore; & quemadmodum parentes liberorum etiam balbutien-
tium sermonem libenter audiunt: ita Tu Amplis. Præsul, gra-
tulationem hanc qualem qualem, æqui boniq; consulas.

ΠΡΟ.

ΠΡΟΔΡΟΜΑΤΙΟΝ

Instrue Castalias Mneme Lubranscia chordas,
Lætitiæ plenum perge sonare melos.
En tuus Infulco fautor redimitus honore,
Virtutis recipit præmia digna suæ.
Ergo alij celebrent Panorum facta Dynastæ,
Nec fileant laudes Scipio magne tuas.
At nos prælustrem Gninski memorare Tiaram,
Et gaudere nouo Patris honore iuuat.
Tempus Erythræis decet hoc signare lapillis,
Hoc & delicias inter habere nouas.
Scilicet euentus hæc sunt bona signa futuri,
Quod dum coelestem Phœbus adiret ouem,
A tibi Romanâ delata est Infula sede,
Maxime quâ Gninski tempora docta regis.
Quare vt veriferi Titan radiatus in agni,
Sparserat Illustri lumina clara domo:
Sic quod tu pasces Christus radiabit ouile:
Nam Christus veri munera solis habet.
Solem iustitiæ doctorum scripta frequentant,
Agnoscent Solem cuncta creata suum.

Iustitiæ ille fauet, conatus sternit iniquos,
Nec patitur nimio quemq; labore premi,
Nūc quoq; Hyperboreas quia Bninia cymba procellas
Sentit, & hæreseos flabra cruenta furunt.
Te voluit fido puppem custode rueri,
Consilio Syrtes & superare tuo,
Insurgunt equidem tristes Aquilone procellæ,
Et tempestatum tela trifulca tonant :
At tu firmatq; sic flectes vela carinæ,
Vt non tartareæ vim patiatur aquæ,
Sunt tibi felices Parnassia munera remi :
Consilium clauus : transra laboris amor :
Anchora sedatæ præsens constantia mentis :
Vela perantiquæ nobilitatis honor.
Non metuas igitur, feret hæc occasio laudem,
Dulichius remex, non Palinurus, eris :
Hic etenim ignauo dum credit lumina somno,
Decidit in rapidas corpora victus aquas,
Ast Ithacus tumidum classem missurus in æquor,
Non prius in dubias vela tetendit aquas.
Quam patris Eurorum reboantia tecta subiret,
Cumq; feris faceret fœdera certa Notis,
Mox vbi nectareo vinxit sermone Monarcham,
Indomitum & poterat iam tenuisse genus.
Non timuit Phorcinq; trucem, Sicalamq; Charybdim,
Ter licet absumat, ter vomat illa fretum.

Sic

Sic velut Hyppotades ventos subiecit Vlyssi,
Seruator ventos in tua vincla dabit.
Est cur concipias spem pleno pectore fidam,
Lætitiâq; tuâ polliceare rati.
Nam velut igniuomo victricia Christus ab hoste
Signa tulit, spoliis atq; oneratus erat :
Sic quicunq; fidem Christi nomenq; tuetur,
Hostilis turbæ colla cruenta premet,
Tu quoq; quandoquidem tanto feruore tueris
Dogmata Verbigenæ, Catholicamq; fidem,
Calcabis tumidas fauces & colla furentum,
Et sternes Stygios calce premente canes.
Et tuus altus honos omni celebrabitur æuo,
Cantabunt nomen sæcula longa tuum.
Iactet Creta Iouem, sint clari ab Apolline Delphi,
Laudet Amycleam Tænaris ora fidem,
Claua Draconigenas faciat Tyrinthia notos,
Musa patrocinio nostra beata tuo.
Te bona posteritas plausu super æthera tollet,
Te Lubransciadûm perpetuabit epos.
Quàm longum viuet Lubranscia Pallas in æuum.
Et tuus Aonidûm viuet in ore decor,
Te lætæ voces, te carmina læta sonabunt,
Inq; libens laudes surget Apollo tuas,
Et quò Musarum magis incrementa propagas,
Hoc mage te Musæ per tua facta canent.

A ji

Hoc

Hoc sanctæ leges, hoc ipsa Astræa requirit,
Hoc mos maiorum religioq; iubet;
Vt cui quisq; libens studio deuinctus adhæret,
Ex illo fructus colligat ille suos:
Sic qui spiciferæ vouit sua tempora matri,
Spiciferæ matris munera larga ferat.
At cui sanguineum placuit coluisse Graduum,
Dignus erit cello Martis honore coli,
Præsul vt horrendi potuisset castra Gradiui,
Et quod prosequitur gens clypeata sequi:
Attamen heroas voluens sub pectore curas,
Et trutinans animi singula quæq; face,
Dignius haud potuit quicquam reperire Mineruâ,
Aut quod in aduersis dulcius esse queat.
Quare postpositis quibus aut quæruntur honores
Fluxibiles, aut quæis accumulatur opes
Palladijs toto vouit se pectore sacris,
Pallados æternum vult fruticare decus.
Quare Cecropiæ stabunt dum munera Diuæ
Cecropiæ matris præmia larga feret

Lucas Rozdrazowski
Stud. Iurisp.

ODE

ODE DICOLOS TE

TRASTROPHOS

INFVLAM magni fidibus canoris
Præfulis lætæ resonent Camœnæ
Namq; flagranti decorat fauore
Ipse Camænas
Intonent voces Eratus per auras
Prædicet laudes meritas Thalia,
Quin nouenarum moduletur omnis
Turba sororum
Non quidem virtus streperis decorem
Plausibus quærit, quoniam decore
Altior quouis supereminenter
Ipsa refulget:
Attamen semper licuit Camœnis
Inclytas factis celebrare mentes,
Semper illarum cytharæ sonabant
Facta potentum
Sic fuit notum patulum per orbem
Nomen Alcidæ, puerumq; Ledæ
Nobilis virtus apud incolores
Seras & Indos:
Sic tuum Gninski decus in capaci
Orbe clarescet, meritiq; honores

A iij

Altius

Altiùs surgent, vbi te sonabunt
Carmine Musæ.

Alta maiorum memori tuorum
Seculo virtus manet, & manebit,
Quamdiu Lechi regio tenebit,
Signa Draconum.

Sed tuis Præsul cumulata factis
Altiùs nomen feret. Vt metallum
Sit licet splendens nitidâq. per se
Luce coruscet

Si tamen gemmam lapidemue iungas
In Paro natum, decus haud minutum
Iunxeris, & mox inuenum senumq;
Lumina vertes.

Haud secus per se licet alta virtus
Gninscia effulget, veluti peremptæ
Sunt feræ testes, patriæq; meriti in
Hostibus enses.

At magis multò decorata per te
Ibit heroas facilis per aures,
Ibit, & celsum caput in corusco
Ponet Olympo.

Si tui quondam proavi Dracones
Non manu fato timidâ dederê
Tu per horrendos scelerum Chelydros
Fortiter ices.

Efferos

Efferos & si violentus Apròs
Vicit Alcmena genitus, cruenti
Et Caci victor spolijs onustus
Iuit in urbem.

Tu nec æratas galeas requiris
Non èges Martis gladio, nec hasta
Nec fero, Christi clypeate scutis,
Milite, Gninski,

Mente constanti, scelerumq; purâ
Orteos vinctes animosus vrsos,
Et pedo Tygres Erebi luposq;
Sæpe necabis.

Infulâ quin iam redimitus almâ
Territas verâ Stygios Procuſtas
Et fide, & forti pietate fretus
Maxime Præſul.

Hinc nec hybernis Aquilo fremiscens
Flatibus famam minuet, nec Austris,
Nec tibi clarum poterit vetustas
Tollere nomen.

Occident gratæ tua facta Musæ,
Occident Phœbo iuuenes dicati
Et tuas fautor venerande laudes
Secula stupeſcent.

Quid magis dignum citharis, & alto
Pallados cantu? quàm vbi vir potentes

Explicat

Explicat dotes animi, atq̃ auito
Stemmata fulget.

Talis est Gninski, generis reposcas
Siue tu lumen rutilum, corusco
Lumine effulget, velut inter ignes
Luna minores.

Seû magis dotes animi requiras,
Inclytos fætus Heliconis almi,
Anteit multos, valet ac vtroq̃
Vincere multos.

Quis neget magno genitore cretum,
Aût domo illustri, seriem si auorum
Ordine in longo videat, vetustæ &
Stemmata gentis?

Ergo cum multis præeas honorus,
Crescat Idæo velut arbor agro,
Tempore & longo radiet tuorum
Fama laborum.

Viue longæuo satur vsq̃; seculo
Nestoris cani, superansq̃, longum
Tempus, in Christi videre semper
Argus ouili,

Martinus Grabski
Stud. Iurisp.

EPIGRAM.

EPIGRAMMATA.

ME quoq; fors aliquis dicet rationis egenum,
Quod tua non culta gaudia voce canam.
Da veniam quaeso, raucae quoq; saepe cicadae
Quamuis Cygneo non satis ore canant:
Attramen ut Phoebi faciem videre serenam,
Inq; poli sudo clarius ire diem.
Agrestes etiam geminant sub sole Camoenas,
Et recreant rauco rustica corda sono,
Sic ego quem Phoebum studiorum agnosco meorum,
Impiger in laudes ora resoluo tuas.

Matthias Baranowski
St. El.

NE C te virtutum, nec Fautor proemia fallunt.
Pallados, haud dubium crescit utrinq; decus.
Ante quidem lapsus roseus dum verteret annum,
Er verni Titan tecta subiuit agni;
Admirata tuas dotes ACADEMIA laurum.
In tua Scauoleam tempora docta dedit.
Nunc vero infuleam dat virtus inclyta Mitram,
Hocq; die Mitra est, quo data laurus erat.

B

Hæc

Hæc utinam sit fausta dies, cunctosq; per annos
Proemia det semper fertiliora tibi

Ioan Malachowsky

St. El.

In campos Stemmatidis

Hesperios an Gangeticos ~~multos~~ Vis dicere campos,
Incola queis avidus fulua metalla legit?

An quibus æterni nascuntur germina veris?

Aut quos Caucaſeum nescit adire gelu?

Sit sua fama illis nomenq; celebre per orbem,

Attamen haud Gninscijs anteferentur agris,

Illis nascuntur vani ludibria mundi,

Hic honor, hic virtus, hic pia facta virent.

Albertus Chlapowsky

St. El.

Aliud

Quis neget à fatis Ennam tibi maxime Præful
Oblatam? hoc præter cætera stemma docet.

Nam quod foecundos Draco stat sublimis ad agros,

Ennæ non dubiè dicit id esse solum.

Quippe Ceres illic nato dedit alma Dracones,

Queis omnem mundi vectus obiret humum.

Hinc rediens tandem peragrati à partibus orbis,

Aspectat notos iam modò lætus agros

Stephanus Klokalewski

St. El.

Aliud.

Felices campi quorum per iugera glebæ
In patrios vsus commoda mille ferunt
Hic fecunda seges, plenis flauescit aristis
Explicat immensas, semper Eleusis opes.
Non tamen has tempus, non longior atterit ætas
Frugibus hic densis, semper abundat ager.
Consilium hic pietas, ingens prudentia rerum,
Et crescit quicquid, quemq; iuuare queat
Quare si quouis tantos dant tempore fructus.
Quis neget vbertim hos quod Deus ipse riget?

Adamus Rola

In Draconem.

Quemnam te tandem Præsul dignissime dicam,
Cui non obsequium denegat ipse Draco?
Hesperidas etiam dicunt habuisse Draconem,
Auriferi fructus cui data cura fuit,
Ille sed ignauo deuictus lumina somno
Dum iacet, Alcides aurea mala tulit,
At tuus hic vigilis semper sub pectore curas
Voluens, inuictum tollit ad astra caput,
Non ergo Alciden dicam te maxime Præsul,
Nec qui Troianas debilitauit opes,
Alcides cuius sed permiretur honores,
Atq; tuos clauam collocet ante pedes.

Felix Mirucki. St. El.

NE C mihi lingua rudi fuerit concreta palato,
Aonio quamuis nou bene sparsa vado.

B ij

Non.

Non illis etenim multum de fontibus hausi,
Pegasei quorum pes fuit autor equi,
Non tamen ingratis æterna silentia labris,
Nec potero clausos ore tenere sonos,
Dum tibi Episcopo resplendent tempora velo,
Dum noua lætanti gaudia mente capis.
Hunc tibi collatum qui lætior audit honorem
Illius haud modicus facta perornet honos.

*Alexander Rekus
St. El.*

PRæfulis officium, Sancto applaudente Senatu
Suscipias, summo nec renuente Deo.
Carminibus resonant auræ, gratantur honorem,
Quos pauit gremio docta Minerua suo.
Magnis pro meritis exoptant præmia magna,
Præfulis ut maneat munus honosq; diu,
Inter quos & ego tua dum benefacta reuoluo,
Occino cum socijs carmina læta tibi.

*Ioannes Gninski
St. Gr.*

EXcelsus meritis, laudum cumulat us aceruo es.
Inter honoratos gloria magna viros.
Te multum solers ornat facundia, & artis
Multiplicis magnus condecorauit honos,

Illustrem titulis assumis Præsul honorem
Antiquæ gentis fulgida stella tuæ,
Semper honos maneat tuus ô dignissime Præsul,
Te tutore ferant commoda magna scholæ
Quæ se olim Lubransciades in sedibus istis
Fixerunt, harum viue patrone diu.

Michael Werziski
St. Gr.

ACCLAMATIONES

ALVMNORVM ROZRAZOVIANORVM.

Viue precor multos felix Patrone per annos,
Vtq; iuuas, semper nostra Lycœa iuua.

Adamus Rola
St. El.

Viue precor Patrone diu, peragantq; per æuum
Postibus excubias lausq; decusq; tuis,

Sigismundus Bieleski
St. El.

Quot generat grauidas Ennensis campus aristas,
Viueret tot liceat vir tibi magne dies:

Ioannes Pierzchlinski
St. El.

Quot volucres syluis debent, gens squammea lymphis,
Hoc Præsul debent nostra Lycæa tibi.

Adamus Philichowski
St. El.

Fluctiuagum postquam formica exhauferit æquor,
Læticia in tectis desinat esse tuis.

Andreas Grabia.
St. Gram.

Ante lapis fiam cessem exoptate priusquam,
Vt voto faucant astra benigna tuo.

Gregorius Gorinsewski
St. Gram.

Magna tua est virtus amplissime Præsul ubiq;
Quâ conspectâ etiam dat tibi Roma pedum.

Albertus Pierzeblinski
St. Gram.

Dotibus æthereis munitus & arte Mineræ,
Perficias virtus quod bene cæpit iter.

Matthias Krzyszkowsky
St. Gram.

Firmiter vt lituum teneas felixq; gubernes,
Ipse Deus fuerit firma columna tibi.

Ioannes Grabia
St. Gram.

Innumeros viuas Amplissime Præful in annos
Ingens Lubranseæ cui a decusq; scholæ.

Albertus Sulinski
St. Gram.

Herculis excelsas tangat tua fama columnas,
Stetq; velut constans stare columna solet.

Ioannes Radolinski
St. Gram.

Quæ fortuna domo semper florebat Enhippi,
In tectis semper sit precor illa tuis

Wladislaus Przyborowski
St. Gram.

Tempora sis Præful sospes per longa precamur
Virtutesq; tuas, fama loquatur anus.

Sigismundus Przyborowski
St. Gram.

O vrinam superes longæui Nestoris annos,
Illius eloquium qui superare potes.

Andreas Podleski
St. Gram.

Vt colis Aonides habitantes montibus altis,
Sic altus semper te comitetur honos.

Adamus Raczkowski
St. Gram.

Coniunctis animis, coniuncto pectore dicam:
Adsit honos oneris fructus, honoris onus.

Stephanus Pilichowski
St. Gram.

Concedo nulli officijs, quæ debeo multa.
Non fuero Harpocrates, gratus at esse velim.

Alexander Mochelski
St. Gram.

In manibus magni fuerat spes fixa Tonantis,
Illius ex manibus venit & illa tibi.

Stanislaus Lukomski
St. Gram.

Præsulis almus honor sit felix, omnia cedant
In patriæ & gentis commoda magna precor.

Stephanus Planowski
St. Gram.

Quot rapidus pisces pascit sub gurgite Varræ
Tot Præsul numeres sæcula fausta precor.

Thomas Brzezinski
Stud. Gram.

Accipe Mentorei non picta toreumata cæstri
Sed mentis studium, hæc quod superare queat.

Stephanus Karzewski
St. Gram.



